

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
BROJ: T04 0 KT 0044088 21
Zenica, 30.12.2022. godine**

**OPĆINSKI SUD U ZAVIDOVIĆIMA
-Sudiji za prethodno saslušanje-
ZAVIDOVIĆI**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

1. HODŽIĆ MUHAMEDA, zvani „Pabed“, 1984. godište, iz Zavidovića, neosuđivan,
2. HAJDAROVAC MIRHETA, zvani „Miki“, 1977. godište, iz Zavidovića, neosuđivan,

što su:

u mjesecu decembru 2020, na području općine Zavidovići, zajednički i dogovorno, s ciljem sticanja protupravne imovinske koristi, lažno prikazujući činjenice, svjesni da na taj način navode oštećenog F. A., da učini radnje na štetu svoje imovine, što su i htjeli, osumnjičeni Muhamed Hodžić na društvenoj mreži Facebook kreirao lažni profil pod nazivom “F.H.”, na koji je postavio sliku osobe F.H., te putem aplikacije Messenger, znajući da su F. H. i A.F. dobri prijatelji, sa navedenog profila poslao nekoliko poruka A. F. na njegov Facebook profil pod nazivom “A. F.” u kojim porukama je od istog, nakon što ga je doveo u zabludu da se isti dopisuje sa svojim prijateljem H.F., tražio da uplati kliker bon u iznosu od 100,00 eura, te da mu fotografiju tog bona pošalje putem aplikacije Messenger na navedeni lažni profil, a što je A. i učinio, da bi dana 04.12.2020. godine putem aplikacije Facebook messenger, sa profila “Muhamed Hodžić” poslao na profil Mirhet Hajdarovac fotografiju kliker bona sa kodom ..., nakon čega je osumnjičeni Hajdarovac Mirhet koristeći svoj mobilni telefon marke “Samsung J4 plus” putem interneta pristupio na svoj račun otvoren u ...kladionici broj ... na ime Mirhet Hajdarovac i napravio nalog za isplatu u poslovnici broj ...u Zavidovićima, da bi dana 04.12.2020. godine, na uplatnom mjestu društva ... World Sport d.o.o. u Zavidovićima, na adresi ... uposlenici pokazao fotografiju naloga za isplatu i fizički podigao novac u iznosu od 188,00 KM (bon umanjen za iznos naknade od 6%) sa računa broj ... koji koristi Mirhet Hajdarovac, na koji način su oštetili F. A. za navedeni novčani iznos,

dakle, s ciljem da sebi pribave protupravnu imovinsku korist doveli drugog lažnim prikazivanjem činjenica u zabludu, i održavali ga u zabludi čime su ga naveli da na štetu svoje imovine što učini,

čime su učinili krivično djelo prijevare iz člana 294. stav 1. u vezi sa članom 31. KZ F BiH.